

SLAM

Guete n'Aabe.

O Sophie, so viel Philosophie! D Philosophie hett Konjunktur, aber d Konjunktur hett Krise.

THESE: D Philosophie hett Konjunktur, Wüll d Konjunktur Krise hett.

Dasch umgekehrt wi bi de Grüene: We d Ökonomie uf ke grüne Zweig chunnt, wott o süsch niemer grüeni Zweigli pflge - Economy Schlamassel statt Philosophy Slam.

Je meh dass ds Bruttosozialprodukt zum Soziobrutalprodukt wird, desto philosophischer wärde drfür d Konjunkturprognose: "Die Verringerung des Minuswachstums konnte im letzten Quartal um 0,3 Prozent gesteigert werden".

Säges grad uf dütsch: Es geit e chlii chlii weniger schnäu bachab als bis itze. Nume öppis hett immer Konjunktur, ir Krise u. im hype: Die Kommunikation. (Chönnt d Uni Züri o guet bruuche, philosophisch vo Züri Wescht us betrachtet. Aber mir si ja hie ar ETH - völlig anderi Philosophie).

Also: Kommunikation!

*Natel unser, das du bist in der Brusttasche
Geheiligt werde Deine Marke
Dein Klingelton komme
Deine Verbindung geschehe
Im Mobilnetz wie im Festnetz
Gib uns heute unsere tägliche Information
Und vergib uns unsere Anruf-Schuld
Wie auch wir vergeben denen, die uns abhören
Und führe uns nicht ins Suchen
Sondern öffne unsere SMS
Save My Soul denn Dein ist die ReichWeite
Und die KaufKraft und die MarktHerrlichkeit
Von Megabyte zu Megabyte
Samsung.*

Isch öich o scho ufgfalle?: Ir letschte Zitt schtöh unde a de Wirtschafts-mäldige grad d Uswirkige ufe Börsenkurs vor betreffende Firma. Z.B. UBS baut 600 Stellen ab, UBS Namen, United Badboys of Switzerland Namenaktie, plus 0,2 %, Burnouts, wohlschandsverwahrlösti Ching und Ehescheidige scho iigrächnet. Ja, u däm allem sötte mir itz begägne mittem philosophische Aasatz, i 4 Minute, mit philosophischer Durhaftigkeit, Konjunk-Duurhaftigkeit. Aasatz wär scho rächt, aber we dr Umsatz fählt, chasch nume no hoffe, di duurhafti Philoso-phonie chömm nid i d Duur-Haft vor Oekonomie.

Es ist nicht die Ökonomie, die in der Krise ist, die Ökonomie ist die Krise; (...)

Unsichtbares Komitee, Der kommende Aufstand

O Sophie, so viel Philosophie, boucherie, charcuterie - und das Volk als Philoso-Vieh. Muh.

Aasatz, Umsatz, gueti Vorsätz: Die bhalti mir, ganz philosophisch, aber, für Visione z entwicke bruuchts meh als 4 Minute, u de sött me zersch no wüsse, um was es geit - für das längts no grad:

*Wär macht ds Eigetum, d Macht?
Wär macht ds Eigetum?
Wär macht eigentlech ds Eigetum?
Wär macht, dass ds Eigetum so viil usmacht?
Wär macht d Macht? d Wehrmacht?
Eigetum macht Macht, Macht macht Eigetum!*

Wie göh mir eigent-lech um mit Eigetum, tumm, wie göh mir eigentlech um? Mir hei ke Bode unger de Füess, mir hei bode-bode-bode-böös, mir hei ke Bode unger de Füess, mir hei Zinsfüess.

*Wär Macht hett, darf mache wi n'er wott,
Wär Eigetum hett, darf tumm tue wi n'er wott.
Wär ke Macht hett, macht nid wi n'er wott.
Wär ke Macht u ke Eigetum hett, macht Lotto.*

*Was isch d Eigeheit vo Eigetum?
Eigetum isch e tummi Macht,
Macht macht tumm-tumm-tumm-tätätätä !*

*Während Eigetum eigentlech tumm macht,
geits eigentlech um Macht - guet Nacht !*